



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2013. GODINU ČISTE SOCIJALDEMOKRATSKE PARTIJE BOSNE I HERCEGOVINE

Broj: 03-07-6-178/15
Sarajevo, 29. april 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije.....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je reviziju godišnjeg finansijskog izvještaja Čiste socijaldemokratske partije Bosne i Hercegovine za 2013. godinu.

Rukovodstvo stranke je odgovorno za finansijske izvještaje, postupanje u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Čista socijaldemokratska partija Bosne i Hercegovine u izvještajnom periodu nije postupila u skladu sa odredbama člana 5. stav (4), člana 11. i člana 12. stav (1) i stav (3) i člana 13. stav (2) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Čista socijaldemokratska partija Bosne i Hercegovine u 2013. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Čiste socijaldemokratske partije Bosne i Hercegovine za 2013. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Čista socijaldemokratska partija Bosne i Hercegovine se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	275,00	100,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	0,00	0,00%
8	Prihodi od propag. (3-g)	0,00	0,00%
9	Ostali prihodi	0,00	0,00%
I	Ukupni prihodi	275,00	100,00%
II	Kreditno zaduženje kod banaka	0,00	0,00%
	Izvori finansiranja (I+II)	275,00	100,00%

Prema podacima iz godišnjeg finansijskog izvještaja, Čista socijaldemokratska partija Bosne i Hercegovine ostvarila je rashode u ukupnom iznosu od 2.418,19 KM.

2. PREDSTAVLJANJE POLITIČKE STRANKE

Naziv političke stranke je Čista socijaldemokratska partija Bosne i Hercegovine. Skraćeni naziv stranke je Čista SDP BIH.

Čista socijaldemokratska partija Bosne i Hercegovine upisana je u registar političkih organizacija kod Općinskog suda u Bihaću, rješenjem broj: 017-0-regPO-12-000001 od 22.05.2012. godine, sa sjedištem u Bosanskom Petrovcu, ulica Bosanska bb.

Prema podacima iz godišnjeg finansijskog izvještaja, lice ovlašteno za zastupanje stranke je Muhamed Kartal, predsjednik¹.

Stranka u godišnjem finansijskom izvještaju nije navela podatke o licu ovlaštenom za podnošenje finansijskih izvještaja za 2013. godinu.

Prema podacima iz godišnjeg finansijskog izvještaja za 2013. godinu, Čista socijaldemokratska partija Bosne i Hercegovine nema niže nivoe organizovanja.

¹ Prema podacima iz Rješenja broj: 017-0-regPO-12-000001 od 22.05.2012. godine, ovlašteno lice za zastupanje stranke je Nevsad Ramić, predsjednik stranke.

3. OPIS REVIZIJE

Predmet revizije je godišnji finansijski izvještaj Čiste socijaldemokratske partije Bosne i Hercegovine za 2013. godinu.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Čista socijaldemokratska partija Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja Čiste socijaldemokratske partije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Nakon izvršenog pregleda godišnjeg finansijskog izvještaja za 2012. godinu, Služba za reviziju je izdala Izvještaj o pregledu godišnjeg finansijskog izvještaja Čiste socijaldemokratske partije Bosne i Hercegovine sa mišljenjem revizora, nalazima revizije i preporukama stranci da uspostavi potpune evidencije o prihodima i rashodima, bez obzira na koji način ih ostvari, odnosno bez obzira na koji način su plaćeni, da finansijske izvještaje podnosi u formi koju je odobrila Centralna izborna komisija Bosne i Hercegovine i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izornoj komisiji Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Čista socijaldemokratska partija Bosne i Hercegovine nije u potpunosti ispoštovala preporuke revizije.

5. NALAZI I PREPORUKE

5.1. NALAZI

a) Revizijom je utvrđeno da je Čista socijaldemokratska partija Bosne i Hercegovine prekršila odredbu člana 5. stav (4) Zakona o finansiranju političkih stranaka².

- Na osnovu izjave, utvrđeno je da je Čista SDP BiH tokom 2013. godine koristila prostorije pravnog lica ŠIP „Oštrej“ Bosanski Petrovac, bez naknade.

Čista socijaldemokratska partija Bosne i Hercegovine je korištenjem poslovnog prostora u vlasništvu pravnog lica, bez plaćanja zakupnine, primila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obaveza da evidentira u poslovnim knjigama i prijavi u godišnjem finansijskom izvještaju za 2013. godinu.

- U reviziji je utvrđeno da je stranka ostvarila prihod po osnovu članarina, a da licima koja su uplatila članarinu nije izdala potvrde, čime je prekršila odredbe člana 5. stav (4) Zakona o finansiranju političkih stranaka i člana 6. stav (1) Pravilnika o godišnjim finansijskim izvještajima političkih stranaka.

² Političke stranke dužne su voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

b) Čista socijaldemokratska partija Bosne i Hercegovine prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljene revizije utvrđeno je da Čista socijaldemokratska partija Bosne i Hercegovine nije vodila poslovne knjige i nije podnijela finansijske izvještaje u skladu sa računovodstvenim propisima, odnosno nije vodila evidencije o prihodima i rashodima, čime je prekršila odredbe člana 11. i člana 12. stav (1) Zakona o finansiranju političkih stranaka. Čista socijaldemokratska partija Bosne i Hercegovine nije popunila obrasce godišnjeg finansijskog izvještaja u skladu sa Pravilnikom o godišnjim finansijskim izvještajima političkih stranaka, čime je prekršila odredbe člana 12. stav (3) Zakona o finansiranju političkih stranaka.

- (1) Na osnovu Izjave od 04.03.2015. godine, utvrđeno je da stranka nije vodila poslovne knjige za 2013. godinu, niti je Godišnji (završni) obračun podnijela Agenciji za finansijske, informatičke i posredničke usluge, što je suprotno odredbama Zakona o računovodstvu i reviziji Federacije Bosne i Hercegovine.
- (2) Uvidom u obrazac 4.1 (režijsko-administrativni i ostali troškovi) godišnjeg finansijskog izvještaja utvrđeno je da je stranka sredstva koja je uplatila fizičkom licu po osnovu povrata pozajmice u iznosu od 2.000,00 KM iskazala kao troškove, čime je prekršila odredbe člana 22. Pravilnika o godišnjim finansijskim izvještajima političkih stranaka.
Obzirom da je stranka režijsko-administrativne i ostale troškove iskazala u većem iznosu za 2.000,00 KM, tako su i ukupni rashodi iskazani u većem iznosu u odnosu na ostvarene, što je, takođe, suprotno odredbama člana 21. Pravilnika o godišnjim finansijskim izvještajima političkih stranaka.
- (3) Čista socijaldemokratska partija Bosne i Hercegovine nije u godišnjem finansijskom izvještaju iskazala nenovčanu donaciju po osnovu besplatnog korištenja poslovnog prostora, niti troškove zakupa, čime je prekršila odredbe člana 13., 18., 21. i 22. Pravilnika o godišnjim finansijskim izvještajima političkih stranaka.

c) Čista socijaldemokratska partija Bosne i Hercegovine prekršila odredbe člana 13. stav (2) Zakona o finansiranju političkih stranaka.

U finansijskom izvještaju, stranka nije navela osobu ovlaštenu za podnošenje finansijskih izvještaja, niti je na bilo koji način obavijestila Centralnu izbornu komisiju Bosne i Hercegovine o njenom imenovanju, što je suprotno odredbama člana 13. stav (2) Zakona o finansiranju političkih stranaka i člana 9. Pravilnika o godišnjim finansijskim izvještajima političkih stranaka.

U skladu sa odredbama člana 9. Pravilnika o godišnjim finansijskim izvještajima političkih stranaka, stranka je imala obavezu da u godišnjem finansijskom izvještaju navede sljedeće podatke o licu ovlaštenom za podnošenje finansijskih izvještaja: ime i prezime, adresu i telefon osobe ovlaštene za finansijske izvještaje.

5.2. PREPORUKE

Preporučuje se Čistoj socijaldemokratskoj partiji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima,*
- *da vodi evidenciju o prijemu članarina i izdaje potvrde o prijemu članarina,*

- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da u skladu sa Zakonom imenuje ovlašteno lice za vođenje poslovnih knjiga, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, te da u propisanom roku o imenovanju ovlaštenog lica obavijesti Centralnu izbornu komisiju Bosne i Hercegovine.*

KOMENTAR:

U ostavljenom roku, Čista socijaldemokratska partija Bosne i Hercegovine nije dostavila primjedbe na Preliminarni izvještaj o reviziji godišnjeg finansijskog izvještaja za 2013. godinu.

Zahvaljujemo se predstavniku Čiste socijaldemokratske partije Bosne i Hercegovine na dobroj i korektnoj saradnji tokom obavljanja revizije finansijskih izvještaja.

Šef Odsjeka za revizijske poslove, revizor
Sanja Tošović

Šef Službe za reviziju
mr.sc. Hasida Gušić

Revizor
Veliborka Kenjić